



**PARTURENA PARMINGGUON
DI PESTA NATAL II
(PESTA PADUAHON PARNINGOTAN ARI HATUTUBU NI TUHAN JESUS)**

 **Ev: Heber 1 : 1 - 4**

 **Ep: Psalmen 145 : 8 - 13**

TOPIK:

“JESUS DO SILLAM HASANGAPON NI DEBATA”



**2024-2028
ROMA 12:2**

**HURIA KRISTEN BATAK PROTESTAN (HKBP)
JUMAT, 26 DESEMBER 2025**

1. MARENDE BE. HKBP No. 605 : 1 , 2 , 4 “LAS MA ROHAM” BL. 605

Las ma roham Tuhanta ro, gumomgom sasude
Ungkap roham, jangkon Rajam, marende ma sude
Marende ma sude, marende, marende ma sude

Tano nang laut, harangan i nang awangawang i
Hauma i, nang sunge i olophon Raja i
Olophon Raja i, olophon, olophon Raja i

.....[Musik].....

[Jongjong]

Ibana do Rajanta i, parasiroha i.
Na tigor i, na bonar i, parholong roha i
Parholong roha i, parholong, parholong roha i.

2. VOTUM – INTROITUS – TANGIANG :

U : Marhitehite Goar ni Debata Ama dohot Goar ni AnakNa, Tuhan Jesus Kristus dohot Goar ni Tondi Parbadia, na tumompang langit dohot tano on.
Amen. Nunga patar hangoluan i, jala nunga huida hami jala nunga huhatindanghon hami dohot hubaritahon hami tu hamu hangoluan na saleleng ni lelengna, na di lambung ni Ama i hian jala naung patar di hami. **Haleluya!**

H : (Mangendehon): *Haleluya, Haleluya, Haleluya*

U : **Martangiang ma hita!** Ale Amanami, Ama ni Jesus Kristus Tuhannami, na tubu di huta Betlehem! Sai pinuji ma GoarMu na badia i, ala naung ditingkir Ho hami bangsoM. Ditogutogu Ho do hami sian haholomon tu hatiuron jala dipadomu Ho do hami, na holang hian sian Ho, gabe saor muse dohot Ho. Gok halalas ni roha do hami ala ni i. Sai jalo ma hamauliateon ni rohanami, naung tinopotMu marhitehite AnakMi.
Amen.

[Hundul]

3. MARENDE BE. HKBP No. 49 : 1 + 7 “SAI RO MA TU BARA”

Sai ro ma tu bara di Betlehem on, hamu na porsea hatop ma tuson
Marnida halasan ni rohanta i, tinongos ni Ama na di surgo i

Antong rohanami ma peleanMi, o Jesus hasian sai jalo ma i
Ias jala sonang ma baen angka i, tongtong gabe domu ma tu rohaMi

4. PATIK :

U : Tatangihon ma Patik ni Debata, i ma **Patik I - IV.**

- I : Ahu do Jahowa Debatam, ninna Debatanta. Nandang jadi marangkup Ahu bahenonmu Debatam.
- II : Nandang jadi ganaonmu jala ndang jadi sumanonmu manang aha na di banua ginjang dohot na di banua tonga on, ro di na di bagasan aek na di toru ni tano, ianggo tung gabe sisombaon manang sioloan.
- III : Nandang jadi dohonon Goar ni Debata, ianggo so ture dalanna, ai hona uhumNa do sogot angka na marsineang di GoarNa.
- IV : Ingot hamu ma pabadiahon ari Minggu i! Di na onom ari ma ula hamu nasa siulaonmu; alai anggo ari papituhon i, ari paradianan ni Jahowa Debatam do i. Nandang jadi ho mangula anggo di na sadari i, manang anakmu pe manang borum manang naposom lahilahi manang naposom boruboru, ro di pinahanmu, ro di isi ni huta ni halak pe na mangebati hutam. Ai di na onom ari do ditompa Debata langit dohot tano dohot laut dohot nasa isina, dung i maradian do Ibana di ari papituhon i. Dibahen i do umbahen na dipasupasu Debata Jahowa ari paradiananNa i jala diparbadiai.

I do sahatna. Antong, rap mangido gogo ma hita tu Tuhan Debata!

U+H: Ale Tuhan Debata! Sai pargogoi ma hami mangulahon na hombar tu PatikMi. Amen

5. MARENDE BE. HKBP No. 699 : 1 - 2 “Singkop Do Asi Ni Roham”

♪♪ Singkop do asi ni rohaM tu au na dangol on

Na lilu ahuhahinan, nuaeng jumpang do *[Jongjong]*.....

♪♪ Di na hutanda dosangki, gok biar rohangki

Alai ala ni asiMi, mardame rohangki

6. MANOPOTI DOSA:

U: **Tatopoti ma dosanta, martangiang ma hita!**

Ale Tuhan Debata, na badia jala na bonar. Parasi jala partalup ni roha jala na basar do Ho! Sai marpangulah i ma rohaM mida hami. Dibahen i sai sesa ma sude dosanami! Nandang adong na hupangasahon hami dungkon ni

asi ni rohaM; hatigoran na pinatupa ni AnakMu do na hupangasahon hami tu joloM. Dibahen i pasonang jala apuli ma hami angka na hinophop ni Tuhan Jesus Kristus, Tuhannami. **Amen.**

Bagabaga ni Debata taringot tu hasesaan ni dosa!

Molo tung adong manang ise na mardosa, adong do pangondianta di Ama i, i ma Tuhan Jesus Kristus na tigor roha i. Jala Ibana do pardenggan taringot tu dosanta, alai ndada holan taringot tu dosanta, dohot do taringot tu dosa ni saluhut portibi on. *Hasangapon ma di Debata na di ginjang!*

U+H: Amen.

[Hundul]

7. MARENDE BE. HKBP No. 608 : 4 “O BETLEHEM NA METMET I”

♪♪♪ O Anak na badia i ro Ho tu hami be
Bongoti daging tondi i parbadiai sude
Barita na umuli hutangi hami be
Sorang ma Ho di ngolungki, ale Immanuel

8. E P I S T E L:

U : Tangihon hamu (Tatangihon) ma Hata ni Debata turpuk Epistel di Pesta Natal II on, i ma **Psalmen 145 : 8 - 13**. Partalup jala parasiroha do Jahowa, lambat do Ibana tarrimas jala pardengganbasa bolon.

H : Pardengganbasa do Jahowa di saluhutna, jala dilinggom asi ni rohaNa do jadijadianNa sudena.

U : Mandok mauiate ma sude jadijadianMu tu Ho, ale Jahowa, jala dipuji angka na niasianMu do Ho.

H : Dibaritahon nasida do hamuliaon ni harajaonMu, jala diparhatopot nasida hagagoonMu na sumurung i.

U : Laho pabotohon tujolma manisiana angka hagagoonNa i, dohot hamuliaon ni harajaonNa na sangap i.

H : Harajaon ro di saleleng ni lelengna do harajaonMu, jala panggomgomionMu ro di sude angka sundut.

U : *I do sahatna. Martua do angka na tumangihon Hata ni Debata, jala na umpeopsa. Amen.*

9. MARENDE BE. HKBP No. 52 : 1 - 2 “HATUAON DO” BL. 55

♫♫♫ Hatuaon do, las ni roha do hatutubu ni Jesus i
Mago do jolma, ro ma Tuhanta, las be, las be ma rohanta i
Mago do jolma, ro ma Tuhanta, las be, las be ma rohanta i

..... *[Jongjong]*

♫♫♫ Hatuaon do, las ni roha do hatutubu ni Jesus i
Domu do hita tu Debatanta, las be, las be ma rohanta i
Domu do hita tu Debatanta, las be, las be ma rohanta i

10. MANGHATINDANGHON HAPORSEAON:

U : Tahatindanghon ma haporseaonta i, songon na hinatindanghon ni
donganta sahaporseaon di sandok portibi on. Rap ma hita mandok:

U+H : Ahu porsea di Debata Jahowa.... d.u

[Hundul]

11. KOOR :

12. TINGTING :

13. KOOR :

14. MARENDE BE. HKBP No. 56 : 1 ... “SAI RO MA HAMUNA” BL. 139
(Papungu Pelean Ia & Ib)

♫♫♫ Sai ro ma hamuna angka na porsea, sai ro ma hamuna tu Betlehem
Ida Dakdanak, Sipalua hita, tasomba ma Ibana, tasomba ma Ibana
Tasomba ma Ibana, Rajanta

♫♫♫ O Raja na sangap, Tuhan ni saluhut, ditaon Ho na porsuk di tano on
Ala ni jolma na di hamagoan, tasomba ma Ibana, tasomba ma Ibana
Tasomba ma Ibana, Rajanta

..... *[Musik]*

♫♫♫ Hamuna suruan puji ma Jahowa, rap dohot sude na martua i
Sangap di Tuhan Debata di surgo, tasomba ma Ibana, tasomba ma Ibana
Tasomba ma Ibana, Rajanta

♫♫♫ O Jesus Tuhanhu sai naeng pujionhu pambaenMu di au pardosa on
Ai gabe jolma Ho humophop au, tasomba ma Ibana, tasomba ma Ibana
Tasomba ma Ibana, Rajanta

15. J A M I T A: Heber 1 : 1 - 4

16. MARENDE BE. HKBP No. 614 : 1 ... “RO MA HO TU AU” BL. 614
(Papungu Pelean II)

♪♪♪ Ro ma Ho tu au, o Jesus Tuhanhi
Sian banua ginjang tu rohangki
Ro ma Ho tu au, o Tuhan Sipalua i
Dame binoanMu ndang na tarasam i, o Tuhanhi

♪♪♪ Asi ma roham di au, o Tuhanhi
Sai jalo ma tangiang nang endengki
Songon si Maria, ina na martua i
Baen nang au martua ala haroroMi, o Tuhanhi

..... *[Musik]*

♪♪♪ Ende ni suruan pardisurgo i
Binege ni parmahan di ladang i
Nunga tubu Raja Kristus Sipalua i
Di huta Betlehem, peak di bara i, o Tuhanhi

♪♪♪ Nang parhapistaran sian Purba i
Manungkap do marsomba tu Tuhan i
Sere dohot na angur ro di haminjon i
Dipelehon tu Ho Raja na sorang i, o Tuhanhi

[Jongjong]

17. Sakramen Pandidion Nabadia

1. Marende BE No. 146: 1-2 “O Jesus Naeng Tardidi”

O Jesus naeng tardidi, do posoposo on
Sai ro ma mangaligi, huhut manjalo on.
Diboan natorasna, nasida be tuson
Ai naeng pasahatonna, tu Ho dakdanak on

19. Manghatindanghon Haporsaeon

1. Marende BE No. 149: 1 “Ho tongtong Ihuthononhu”

Ho tongtong ihuthononku Jesus Sipangolu au
Tung na so tadingkononku, Ho na paluahon au
Sian sasude dosangku, dohot sian uhum i
Na tongtong habiaranku, ala pardosaonki.

18. Pasahathon Tungkot dohot Ulos tu natua tua ni Huria

Marende Sian BE201: 1-2 Na martungkot sere au

1. Na martungkot sere au di dalanku tu na dao
Sian surgo i do ro surgo i ditudu do
I ma haporseaonku na pahothon pardalanku
Na patogu langkangki sahat ro di surgo i.
2. Sada pardisurgo i do disuru Tuhanki
Manginganhon rohangkon mangajari au tongtong
I ma holong ni roha-Na sian denggan ni basa-Na
Do dilehon i tu au asa unang mago au.

Marende sian BE No. 213: 1 Dung sonang rohangku

1. *Dung sonang rohangku dibaen Jesus i, porsuk pe hutaon dison
Na pos do rohangku di Tuhanta i, dipasonang tongtong rohangkon
Sonang do, sonang do, dipasonang tongtong rohangkon*

19. TANGIANG PANGUJUNGI: Tangiang Pelean – Tangiang Ale Amanami - Tangiang Pasupasu.

U : Tatangianghon ma peleanta. Ale Debata, Amanami na di banua ginjang,
Ho do haroroan ni saluhut silehonlehon na denggan dohot nasa ulibasa na
mauliutus. Hupasahat hami ma sian na nilehonMi tu hami, peleannami tu
Ho. Sai jalo ma i gabe uap na hushus di joloM. Pasupasu ma i jala ramoti
asa huparhaseang hami pelean on, patimbulhon harajaonMu di
tongatonga ni HuriaM dohot di portibi on. Buhai ma rohanami
marhitehite TondiM, asa lam hutanda hami godang ni silehonlehonMi tu
hami, asa lam girgir hami mandok mauliate tu Ho, marhitehite Jesus
Kristus Tuhannami. **Amen.**

H : Mangendehon: *Nasa na nilehonMi tondi ro di pamatanghu
Hosa dohot gogongki ro di saluhut artangku
Hupasahat i tu Ho na so unsatonhu do*

U : Ale Amanami na di banua ginjang! Sai pinarbadia ma GoarMu! Sai ro
ma harajaonMu! Sai saut ma lomo ni rohaM di banua tonga on songon na

di banua ginjaŋ! Lehon ma tu hami sadari on hangoluan siapari! Sesa
ma dosanami songon panesanami di dosa ni dongan na mardosa tu hami!
Unang hami togihon tu pangunjunaŋ! Palua ma hami sian pangago!

H : Mangendehon: *Ai Ho do nampuna harajaon dohot hagagoon
Ro di hasangapon saleleng ni lelengna, Amen*

U : Tangiang Pasupasu.

H : Mangendehon: *Amen, Amen, Amen*